



REPUBLIKA E SHQIPËRISË
UNIVERSITETI I MJEKËSISË, TIRANË

REKTORI

Nr. 3213 prot.

Tiranë, më 26.10.2023

UDHËZIM

Nr. 5, datë 26.10.2023

PËR

**PROCEDURAT E APLIKIMIT DHE PRANIMIT NË PROGRAMET E CIKLIT TË TRETË
TË STUDIMIT "DOKTORATË" NË NJËSITË KRYESORE, NË UNIVERSITETIN E
MJEKËSISË, TIRANË PËR VITIN AKADEMIK 2023-2024**

Mbështetur në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" nenet 77, 78 dhe 79, Vendimin e KM nr. 112, datë 23.02.2018 "Për përcaktimin e kriterëve për fitimin e gradës shkencore "Doktor" dhe të standardeve shtetërore për fitimin e titujve akademikë "Profesor i Asociuar" dhe "Profesor", i ndryshuar, Kreu I, Statutin e UMT-së, nenet 5, 88 dhe 89, Rregulloren e Universitetit të Mjekësisë, Tiranë, neni 70, Rregulloren "Për organizimin e programeve të studimit të doktoratave" miratuar me Vendimin nr. 58, datë 27.06.2022 të Senatit Akademik të UMT-së; Udhëzimin e MAS nr. 52, datë 3.12.2015 "Për përcaktimin e niveleve të gjuhëve të huaja dhe të testeve ndërkombëtare, për pranimet në programet e studimit të ciklit të dytë dhe të tretë, në institucionet e arsimit të lartë" i ndryshuar, Vendimin e Senatit Akademik të UMT nr. 4, datë 10.02.2023 "Për miratimin e kuotave të pranimit për programet e ciklit të tretë të studimeve "Doktoratë" për vitin akademik 2023-2024, në Universitetin e Mjekësisë, Tiranë" si dhe shkresën e MAS me nr. 1167/3 prot., datë 08.09.2023, "Mbi listën e udhëheqësve në programet e studimit të ciklit të tretë në doktoratë, për vitin akademik 2023-2024",

UDHËZOJ:

- I. Procedura e shpalljes, aplikimit dhe pranimit në programet e ciklit të tretë të studimit të doktoratës**
1. Njësité kryesore të Universitetit të Mjekësisë, Tiranë, të organizojnë procesin e aplikimit, pranimit dhe regjistrimit në programet e studimeve të ciklit të tretë "Doktoratë".
 2. Njësité kryesore, bëjnë publikimin e kriterëve, procedurave dhe afateve për konkursin e pranimit në programet e studimit të doktoratës, në faqet zyrtare të internetit të çdo njësie kryesore dhe të UMT-së, të paktën 1 muaj përpara përfundimit të afatit për depozitimin e kërkesave.

3. Njoftimi publik në faqet zyrtare të internetit të çdo njësie kryesore dhe të UMT-së, duhet të përmbajë listën e programeve të studimit të doktoratës sipas fakulteteve përkatëse; numrin e kuotave sipas fushave dhe nënfushave (*sipas Vendimit të Senatit Akademik të UMT nr. 4, datë 10.02.2023*); fushat e kërkimit, listën e udhëheqësve shkencorë, kriteret e përgjithshme dhe ato preferenciale; dokumentacionin që kandidati duhet të dorëzojë; afatin dhe mënyrën e dorëzimit të dokumentacionit, si dhe procedurat e vlerësimit të kandidatëve. Njoftimi publik duhet të jetë i shprehur qartë, të mos lërë vend për keqkuptime dhe/ose interpretime në asnjë prej elementëve të tij.
4. Kandidatët aplikojnë në një program studimi të ciklit të tretë “Doktoratë” në UMT, dorëzojnë aplikimet e tyre në zyrën e protokoll arkivës të njësisë kryesore përkatëse, sipas përcaktimeve në njoftimin publik, fizikisht ose nëpërmjet shërbimit postar. Në rastin e aplikimit përmes shërbimit postar, data në vulën e shërbimit postar do të shërbej për të përcaktuar respektimin e afateve të aplikimit. Dokumentacioni duhet të jetë i inventarizuar sipas numrit të dokumenteve dhe faqet përkatëse.
5. Jo më vonë se një javë nga përfundimi i datës së aplikimeve, njësia kryesore bën publike listën e aplikantëve për programet e doktoratës dhe i përcjell njësisë bazë dosjet e aplikimeve të kandidatëve për programet e doktoratës.
6. Komisionet ngrihen jo më vonë se 1 javë para datës së fillimit të aplikimeve dhe përcaktojnë metodologjinë e vlerësimit, e cila bëhet publike përpara mbylljes së afatit të aplikimeve. Komisioni përbëhet nga të gjithë anëtarët e njësisë bazë, që mbajnë titullin akademik “Profesor” ose “Profesor i Asociuar” dhe drejtohet nga përgjegjësi i njësisë bazë. Në rastet e programeve me nënfusha specifike, dekanati mund të ngrejë komisione *ad hoc* sipas nënfushave, përbërja e të cilëve është nga jo më pak se 3 (tre) anëtarë. Përbërja e komisioneve i njoftohet Rektoratit jo më vonë se 3 (tre) ditë pune nga ngritja e tyre. Në rastet kur njësitë bazë bashkëpunojnë për organizimin e programit të studimeve të ciklit të tretë të doktoratës, komisioni *ad hoc* mund të ngrihet në nivel njësie kryesore dhe udhëhiqet nga drejtuesi i programit.
7. Komisioni *ad hoc*, pas verifikimit të përmbushjes së kriterëve themelore, bën përzgjedhjen e kandidatëve, sipas fushave/nënfushave të programeve të studimit të doktoratës, mbështetur në propozimin e aplikantit dhe në dokumentacionin në dosjen përkatëse, referuar një liste të qartë dhe transparente mbi pikëzimin e kriterëve specifike të aplikantëve.
8. Përparësi në përzgjedhjen e kandidatëve, në programin e studimit të ciklit të tretë “Doktoratë” në UMT, ka personeli akademik me kohë të plotë në UMT; personeli akademik me kohë të pjesshme në UMT; kandidatët e tjerë të punësuar si personel akademik në institucionet e tjera publike dhe jopublike të arsimit të lartë, apo personel kërkimor në një institucion të kërkimit bazë ose të zbatuar, pranë institucioneve të arsimit të lartë të llojit “universitet” ose “akademi” në RSH.
9. Komisioni *ad hoc*, jo më vonë se 5 (pesë) ditë pune pas marrjes në dorëzim të dosjeve për secilin aplikant, përcjell për miratim pranë njësisë bazë/kryesore listën paraprake të renditjes së aplikantëve. Kjo listë i përcillet për miratim dhe publikim njësisë kryesore, shoqëruar me një relacion shpjegues për punën e kryer, sipas çdo fushe/nënfushe. Në njoftimin e listës paraprake të fituesve, përcaktohet edhe afati i ankimit për kandidatët e shpallur jofitues.

10. Lista paraprake publikohet në faqen zyrtare të njësisë kryesore dhe i përcillet për njoftim Rektoratit.
11. Aplikantët kanë të drejtën e ankimit, brenda tre ditëve pune nga shpallja e listës paraprake të kandidatëve. Ankimi bëhet pranë zyrës së protokollit të njësisë kryesore. Komisionet *ad hoc* brenda 2 (dy) dite pune shqyrtojnë ankimet, vendimi për të cilat i përcillet menjëherë dekanit nga njësia bazë, një kopje e të cilit i përcillet ankuesit.
12. Lista përfundimtare e kandidatëve fitues publikohet nga Dekani jo më vonë se, një javë nga shpallja e listave paraprake dhe i përcillet Rektoratit për njoftim.
13. Brenda 7 (shtatë) ditëve nga publikimi i listës përfundimtare kryhet regjistrimi i kandidatëve fitues pranë sekretarisë përkatëse, si dhe bëhet nënshkrimi i kontratës midis kandidatit fitues dhe përgjegjësit të programeve të studimit të doktoratës në nivel njësie kryesore, bashkëlidhur këtij Udhëzimi.
14. Brenda 30 ditëve pune nga regjistrimi i kandidatëve fitues, UMT-ja përcjell në QSHA listën e doktorantëve të regjistruar, në formë shkresore dhe elektronike, me qëllim pajisjen me numër matrikullimi, në zbatim të udhëzimit përkatës të ministrisë përgjegjëse për arsimin.

II. Dokumentacioni që duhet të dorëzojnë kandidatët aplikonte për t'u pranuar në programet e studimit të ciklit të tretë “Doktoratë” në UMT

1. Kërkesë drejtuar njësisë bazë përgjegjëse për programin e studimit të doktoratës, në të cilën theksohet propozimi për temën dhe udhëheqësin shkencor;
2. *Curriculum Vitae* në të cilën të jetë pasqyruar edhe bibliografi e punimeve shkencore, të cilat duhet të jenë të dokumentuara, nëse aplikanti ka të tilla;
3. Kopje të noterizuar të diplomave të kërkuara sipas pikës 1, shkronja (a, të nenit 6, të Rregullores për organizimin e programeve të doktoratave në UMT, të shoqëruar me listën e notave apo suplementin e diplomës. Diploma e huaj shoqërohet me vërtetimin e njohjes nga Ministria përgjegjëse për arsimin;
4. Kopje të noterizuar të diplomave apo certifikatave të kualifikimeve të ciklit të tretë apo të një diplome ose certifikate të barasvlershme me to, shoqëruar me listën e notave apo suplementin e diplomës, nëse kandidati zotëron një të tillë;
5. Fotokopje e kartës së identitetit/pasaportës;
6. 2 (dy) fotografi;
7. 2 (dy) rekomandime nga personel me titull akademik;
8. Një deklaratë që pranon të shlyejë të gjitha detyrimet financiare lidhur me koston e këtyre studimeve, në rastet e vetëfinancimit plotësisht/pjesërisht (Deklaratë nr.1);
9. Dëshmi të gjuhës/gjuhëve të huaja (fotokopje të noterizuar), sipas përcaktimeve të akteve nënligjore në fuqi dhe vendimit përkatës të Senatit Akademik të UMT-së, në momentin e aplikimit;
10. Vërtetim nga qendra e punës, nëse është i punësuar, që dëshmon se aplikanti është personel akademik ose personel i përfshirë në kërkim shkencor;
11. Deklaratë e gatishmërisë së udhëheqësit shkencor për të udhëhequr kandidatin (Deklaratë nr. 2);

12. Vendimi i njësisë bazë për fushat e kërkimit shkencor të njësisë, publikuar sipas pikës 3 të këtij udhëzimi;
13. Vendimi i njësisë bazë lidhur me udhëheqësit shkencorë, publikuar sipas pikës 3 të këtij udhëzimi;
14. Projekt propozimi i kërkimit shkencor, me elementët si më poshtë:
 - a. Titulli i propozuar i temës kërkimore shkencore
 - b. Objektivat e kërkimit shkencor,
 - c. Metodologjia që do të ndiqet,
 - d. Nevoja për studim të thelluar në fushën e propozuar dhe risitë, që pritet të sjellë punimi,
 - e. Plani i punës kërkimore-shkencore i ndarë në vite,
 - f. Mënyra e financimit.
15. Mandat pagesa për tarifën e aplikimit sipas Vendimit përkatës të Bordit të Administrimit të UMT-së;
16. Vetëdeklarim të aplikantit se nuk ka patur në të kaluarën shkelje të rregullave të etikës së kërkimit shkencor, të të drejtave që burojnë nga pronësia intelektuale apo shkelje të rregullave kundër plagjiaturës, si dhe që do të zbatojë standardet shkencore dhe etike. (Deklarata Nr. 3)

III. Afatet e aplikimit

Kandidatët aplikojnë për një program të ciklit të tretë “Doktoratë” që ofrohet në Universitetin e Mjekësisë, Tiranë (UMT), në vitin akademik 2023-2024, deri më datë **24.11.2023**.

- IV. Për të gjitha çështjet të cilat nuk trajtohen në këtë Udhëzim, do të zbatohen përcaktimet ligjore të Rregullores “Për organizimin e programeve të studimit të doktoratave”, miratuar me Vendimin nr. 58, datë 27.06.2022 të Senatit Akademik të UMT-së.
- V. Ngarkohen për zbatimin e këtij Udhëzimi njësitë kryesore të Universitetit të Mjekësisë, Tiranë, si dhe Drejtoria e Kërkimit, Promovimit Akademik dhe Komunikimit në Rektoratin e UMT-së.

REKTORI



Deklaratë nr. 1

Data __.__.202__

DEKLARATË

Unë i nënshkruari _____, personel akademik me kohë të plotë në _____, (ose deklarohet pozicioni i punës që kryen udhëheqësi), deklaroj nën përgjegjësinë time personale se, shprehem dakord të udhëheq Z/Znj. _____, në programin e studimeve të doktoratës pranë Departamentit të _____, të Fakultetit të _____, të Universitetit të Mjekësisë, Tiranë, në përputhje me legjislacionin në fuqi për këtë program studimi.

Kjo deklaratë nënshkruhet me vullnet të plotë e të lira.

DEKLARUES

(emër atësi mbiemër)

Deklaratë nr. 2

Data ____ . ____ .202__

DEKLARATË

Unë i nënshkruari _____, student në programin e studimit të doktoratës në Departamentin _____, të Fakultetit _____, të UMT-së, deklaroj nën përgjegjësinë time personale se, shprehem dakord të paguaj detyrimet financiare të këtij programi (*tarifën e aplikimit, tarifën e regjistrimit dhe tarifën e shkollimit*), në programin e studimeve të doktoratës, në përputhje me legjislacionin në fuqi për këtë program studimi.

Kjo deklaratë nënshkruhet me vullnet të plotë e të lira.

DEKLARUES

(emër atësi mbiemër)

Deklaratë nr. 3

Data __.__.202__

DEKLARATË

Unë i nënshkruari _____, me nr personal identifikimi (ID) _____, deklaroj nën përgjegjësinë time personale se, nuk kam patur shkelje të rregullave të etikës së kërkimit shkencor, të të drejtave që burojnë nga pronësia intelektuale apo shkelje të rregullave kundër plagjiaturës, si dhe deklaroj se do të zbatoj standardet shkencore dhe etike.

Kjo deklaratë nënshkruhet me vullnet të plotë e të lirë.

DEKLARUES

(emër atësi mbiemër)